

Svæðisráð Austursvæðis Vatnajökulspjóðgarðs
25. fundur
haldinn að Lyngási, 29. september 2009

Mættir: Eiríkur Björn Björgvinsson, Björn Ármann Ólafsson, Magnhildur Björnsdóttir, Skarphédinn G. Þórisson og Þórhallur Þorsteinsson. Jafnframt sat fundinn Agnes Brá Birgisdóttir þjóðgarðsvörður.

Skúli Björn Gunnarsson boðaði forföll.

Dagskrá:

1. Fundað með stjórn Vatnajökulspjóðgarðs.

Eiríkur formaður stýrði fundi og setti hann kl. 16.00. Gengið var til dagskrár.

1. Fundað með stjórn Vatnajökulspjóðgarðs

Svæðisráðsformaður þakkaði, fyrir hönd svæðisráðsins, fyrir boðið á fundinn og það tækifæri sem svæðisráðið fær með að hitta stjórnina.

Formaður stjórnar fór yfir fund með verkefnisstjórum vegna vinnu að verndaráætlun sem haldinn var fyrir um daginn. Kynnti hún vandamál varðandi túlkun á verndarstigum í ljósi íslensks lagaumhverfis.

Fram kom að óhjákvæmilegt verður að takast á við ýmis álitæfni í vinnunni við verndaráætlunina.

Skarphédinn Þórisson benti á jaðarsvæði þjóðgarðsins og framkvæmdir á þeim eins og t.d. við Laugarfell og í Hoffeldal. Fram kom að nauðsynlegt er að skilgreina betur jaðar- og áhrifasvæði garðsins. Formaður stjórnar sagði erfitt að skilgreina slíkt af stjórn. Hún taldi eðlilegast að svæðisráðin ræði hvernig þau sjá jaðar- og áhrifasvæðin fyrir sér og stærð þeirra.

Björn Ármann Ólafsson sagði að vinnan við verndaráætlun þyrfti að ganga hratt fyrir sig. Svæðisráðin og íbúana vanti gögn til umfjöllunar. Hann taldi mikilvægt að nýta þessa vinnu í tengslum við önnur verkefni eins og markaðssetningu og heimasíðu garðsins.

Fram kom hjá formanni að verkefnið er gríðarlega stórt og víðfemt og það vantar mikið af gögnum til að vinna eftir. Lögjafinn hefur ekki áttað sig á því hversu stórt verkefnið er og 18 mánuðir duga ekki í stefnumótun fyrir 13 % af öllu Íslandi.

Fram kom hjá Hjalta Þór að verkefnið á sér enga hliðstæðu og að um frumkvöðlastarf er að ræða. Hann sagði búið að vinna góða grunnvinnu sem nauðsynlegt er að byggja á.

Eiríkur sagði samráð mikilvægt og að vinna yrði að vera vönduð þannig að allir verði sáttir við áætlunina. Tíminn má ekki stilla okkur upp við vegg.

Formaður stjórnar velti því upp „Hvað höfum við verið að gera rétt og hvað rangt“? Hún spurði hvernig við getum samtvinnað verndarþáttinn og atvinnuþáttinn. Þetta eru þættir sem geta unnið saman en óhjákvæmilegt að þeir rekist líka á.

Magnhildur Björnsdóttir velti upp þeirri spurningu „Hvernig viljum við vinna saman um jaðarsvæðin“?

Formaður sagði vinnu við verndaráætlunina kalla á ný vinnubrögð og nýjar leiðir. Verkefnið væri ekki auðvelt.

Skarphéðinn Þórisson velti fyrir sér hvort við höfum klikkað á því að kynna þjóðgarðinn fyrst stofnanir m.a. ríkisins þekki ekki nægilega vel til garðsins?

Þjóðgarðsvörður benti á að það vantar tengingu við Umhverfissráðneytið meðal annars að skrá þjóðgarðsvörð á póstlista ráðuneytisins. Boð á Umhverfisþing hefði t.d. ekki borist en á þinginu á m.a. að fjalla um utanvegaakstur. Mikilvægt að þjóðgarðsverðir séu með í þeirri umræðu.

Þórhallur Þorsteinsson spurði hvað stjórnin ætlaði að gera með niðurstöður um þjóðlendumál. Fram kom að ekki hefur verið mótuð endanleg ákvörðun varðandi aðgerðir í að ná því landi inn í þjóðgarðinn.

Þórhallur Þorsteinsson sagði stuttlega frá erindi sem mun berast stjórn frá Ferðafélagi Fljótsdalshéraðs og hlutlausum aðilum sem unnu greiningu á framtíð Ferðafélagsins og rekstri þess.

Ekki fleira rætt og fulltrúum í svæðisráði þökkuð koman.

Fleira ekki rætt og fundi slitið kl. 17.30.

Eiríkur Björn Björgvinsson
ritaði fundargerð

Björn Ármann Ólafsson

Þórhallur Þorsteinsson

Magnhildur Björnsdóttir

Skarphéðinn Þórisson